

COMPENDIUM VITÆ.

B. HERMANNI JOSEPHI,

Canonici Ordinis Præmonstratens. in Steinfeld.

§ I. *Pueritia B. Hermanni.*

Beatus Hermannus, cognomento Josephus, Coloniæ Agrippinæ honesto loco natus, quantâ vitæ futurus esset Sanctimoniam, à primâ statim pueritiâ patefecit; nam & parentibus plenè subditus, & à fluxis seculi voluptatibus prorsus alienus, innocuos vitæ annos primos transgit, expers eorum criminum, quibus alioquin puerilis ætas obnoxia esse solet. Septennis ad Scholas traductus sedulò quidem in literarum studia incubuit, majorem tamen pietatis curam gessit: adeo ut ceteris condiscipulis lusu statis se temporibus oblectantibus, hic delicias suas in monasterio quodam coram imagine Deiparæ quæreret, simplicitate ac innocentia verè columbinâ cum Divâ Virgine ejusq; filio conversando. Cujus ingenuæ innocentisq; conversationis hosce admiratione plenos & rarò auditos fructus tulit, ut invitatus

ab amabili Matre cum puero Iesu innocuè luderet, & alias lapidem ab illâ cognosceret, sub quo pecuniam reperiret, quoties cā ad coēmenda vestimenta, aliaq; in scholis necessaria indiguisset.

§ 2. *Ingressus in Religionem*

Anno ætatis duodecimo, mundo(quem verius non cognovit, quām deseruit) valedicto, in Domum Domini ire decrevit. Aptissima tum hujusmodi domus Candidissimæ animæ visa sacer, & candidus Præmonstraten-sium Ordo, primo vigore suo cā tempestate florentissimus. Ad hunc igitur in loco Steinfeld dicto 5. milliaribus Coloniâ distito, illico properavit, votiq; sui brevi factus compos, Religiosum habitum miro animi sui gaudio induit, itaq; in eo se gessit, statimq; profecit, ut valeret sapientia & gratia tam apud Deum, quam apud homines.

§ 3. *Studia in Frisiâ.*

Interea dum adolesceret, studiorum causâ missus cum alijs coætaneis in Frisiâ, pietatem ad omnia utilem exemplo ibidem suo luculenter demonstravit ; dum enim more suo

suo nihil de continuo pietatis aliarumq; virtutum studio remitteret, ita in profanarum palæstrâ scientiarum se exerceuit, ut omnibus qui cum eo Gymnasium frequentabant, condiscipulis palmam præriperet. Quo etiam tempore inter alios Cæli favores & hunc expertus est, quod ab enormi & molesta capitis scabie miro & subito modo à Domino D e o liberaretur.

§ 4. *Reditus in Steinfeld.*

Profanis jam sat excultus scientijs, rediit ad primum suscepτæ Religionis locum, ubi munus deserviendi Fratribus suis in triclinio ei demandatum; quod dum magnâ quidem charitate, at ob præceptum sibi pro voto suo contemplandi tempus, tristiùs quam par erat, obiret, curam denuo clientis sui gessit solicita Magna Mater, & coram HERMANNO se sistens monuit, ut alacriter injunctum sibi officium expleret; nihil hoc charitatis & obedientiæ obsequio D e o gratiùs esse. Nec segnus deinde hic paruit, quam illa demandaverat.

Compendium vita

§ 5 *Praefectura Sacrarij.*

At Deus fidelis servi sui desiderijs obsequuturus, quò aptius divina pro voto contemplandi tempus supp̄eteret, ut Sacrario præficeretur, effecit. Hic mirum est, quantâ seculitate B. HERMANNUS & curaret res DEO consecratas, & cælestium meditationi se impenderet, somni, cibi, potusq; penè cblitus, totum propemodum tempus pijs laboribus, & vel maximè consideratione divinorum insumebat: plus ceteris Fratribus & laborando & orando; adeo ut hi commiseratione tacti mitiora suaderent; sed ille totum præsentis vitæ tempus reputans pœnitentiæ destinatum, superfluum judicabat & vanum, si quid corpori indulisset. Verùm quò inclemensius ipse se tractabat, eò suavius & sapius Cælum ad blandiebatur: nam & crebro vindendam se exhibebat DEI Mater, Suavissimis eum alloquijs dignata, & obversabantur obtutibus illius cælestes Genij Fratribus in Choro ministrare visi, & miro supernoque odore, cum divina tractaret, cælum perfundebat.

§ 6. Desponsatio ejus cum B. Virgine.

Quæ inter à superis profecta beneficia, ratiōnabilem est, quod eodem hoc tempore, quo Sacrario præfuit, contigisse narratur. Appellari passim cœperat nomine Josephi, vocabulo ut honorifico, ita B. HERMANNO demittendi sui studiosissimo non parum molesto. Ab hoc igitur nomine sibi imponendo ut Fratres deinceps desisterent, per impetrata Superiorum imperia cogere meditabatur, cùm noctu consuetis suis precibus vacanti adest Cælorum Regina, binis cælestibus Genijs stipata; quorum unus jubet Hermannum proprius accedere, & præ pudore tergi versantem apprehensâ ejus manu ad accessum compellit; tum manum ejus manui divæ Virginis jungens, his verbis Virginī Matri desponsat: *Ecce, inquit, hanc Virginem tibi trado in Sponsam, sicut fuit sponsata Ioseph, ut nomen Sponsi pariter cum Sponsa accipias, & de cetero Ioseph erit nomen tuum.* Atque hæc origo cognimenti Joseph: hæc palmaris Deiparæ in HERMANNUM collata gratia, paucissimis divorum hactenus concessa.

§ 7. Ecstasies in Sacro.

Pergebat B. Hermannus in imposito sibi
Sacrarij munere, incremento virtutis eo ma-
jore, quò magis provehebatur æstate; & au-
gebantur mirum in modum cælestes favores,
animadversi ab alijs, cùm Sacris operantem
aspicerent; eo enim tempore (ad quod sum-
mo se studio præparabat, quodque accura-
tissima diligentia insumebat) abreptus extra-
se, apertis oculis frequentissimè nihil vide-
bat: & patiebatur divina, quæ nunquam pu-
tabat licere sibi homini loqui; unde sæpius à
familiaribus rogatus, induci non potuit, ut ea
revelaret, certam dictitans fore gratiarum ja-
cturam, si arcana cælestia imprudens D E O
invito pandisset.

§ 8. Virtutes primarie.

Jam divinis hisce studijs & gratijs respon-
debant virtutes ceteræ; Angelica in primis
puritas, quæ nullis unquam libidinum facibus
ambusta, excelsò proflus gradu in eo eminu-
it, adeo ut gemma Virginum, lilyum Castita-
tis, Vas electum continentia, agnus innocen-
tiæ, & Virgo Virginum suo tempore dicere-
tur.

tur. Demissio deinde animi tam profundas in illo egerat radices, ut licet heroicarum excel- sitate virtutum, cælestiumque & insolitorum abundantiam donorum ceteris præemineret, ipse tamen & vilissimum se arbitratetur, & pro stulto aut parum sapiente ab alijs haberi exoptaret; sat nimirum gnarus, Humilitate di- vina dona tutò custodiri, elatione verò animi illico dissipari. Humilitati tantæ juncta non minor patientia. Vexatus multis & penè con- tinuis infirmitatibus corporis, debilitate sto- machi, dolore capitis, defectione creberimâ cordis, prohibitusque à D E o refocillare se commoditatibus ciborum, potùs, molliumq; stratorum; adhæc diversis appetitus contu- melijs tam à domesticis, quam ab externis, varijsq; Dæmonis exagitatus infestationibus, sustinuit omnia incredibili mentis æquitate, & tanquam aurum in fornace probatus, hoc egit, ut dignus D E o inveniretur. Superavit denique & has & alias virtutes, quæ omnium radix & origo est, Charitas; qua inflammante & carnis illecebrosas voluptates respuit, & infra omnes fæcæ creaturas demisit, & adversa quælibet sive in corpore sive in anima invictâ semper patientiâ toleravit, & afflictorum ubi-

vis necessitatibus occurrit, & nihil, dum inter mortales vixit, nisi unicam dilecti sui super omnia D E I O. M. gloriam quæsivit; quem vel leviter offendere semper veritus, quibuscunq; modis potuit, honoravit; cujus deniq; desiderio clanguit, cupiens identidem dissolvi vinculis corporis, ut concupitis dudum D E I sui amplexibus frui posset.

§ 9. *Variij cælestes favores.*

At priusquam felix illius ad cœlum transitus referatur, juvat stricètim persequi, memoratisque virtutibus annextere reliquos Divinæ Benignitatis favores, quibus in hac mortalî vitâ cumulatus fuit. Christi Domini frequentibus apparitionibus dignatus, multa ab illo præter naturæ ordinem impetravit, multa arcana & futura didicit: Sancti cum primis Engelberti Archiepiscopi Coloniensis necem; de cuius gloriâ Martyrij, cùm nonnihil dubitaret, oculorum dolore castigatus, cereis ad Martyris hujus sepulchrum oculis oblatis personatus est. Apparuerunt & crebro S. Angeli, è quibus fuit, qui B. Hermannum humilitatis virtute omnibus mortalibus præcelere nonnemini revelavit. S. Ursula cum Soldalibus

dalibus docuit eum hymnum ad laudem ipsarum componere, multiplicique deinceps favore prosecuta est. Sed familiari super omnes consuetudine usus est magnæ Matris, ab ea enim (ut sileantur superius memorata) per multos annos singulis penè noctibus in dubijs instructus, in adversis confortatus, & ad pergendum strenuè in Divino servitio animatus fuit; ut mirum non sit, sub tali magisterio discipulum maximè docilem tantum profecisse.

§ 10. *Obitus.*

Placuit tandem divinæ Majestati florem hunc terrestrem, cælesti plantario inserere. Instante itaque mortis tempore, cùm Quadragesimam admirandâ omnibus abstinentiâ transiegisset, petitus & missus ad Cœnobium Virginum Cisterciensium in Hoven, insolita alacritate Virginibus in divinis deservivit; at paulò post Dominicam Palmiarum lethali correptus febri, paucisque interjectis diebus ad finem vitæ deductus, erecto corde & vultu Spiritum suum Deo commendans ad cælum migravit, post annum Christi MCCXXX, VII, vel ut alij volunt, vi Aprilis. Sepultus apud

apud nominatas Sanctimoniales , in loco , quem Cœnobium earum primū ingressus baculo suo sibi pro sepultura designārat.

§ II. *Translatio.*

Canonici Steinfeldenses , qui ægre sanctum fratrem à se dimiserant, intellecto ejus obitu, multò ægrius tulerunt talem à se Thesaurum abalienatum ; quem cum prædictæ Virgines repetitum nollent dimittere, imploratâ Archiepiscopi Colonensis ope, Steinfeldenses recuperârunt, & post septem hebdomadas repertum prorsus incorruptum ad Monasterium suum transtulerunt : Signis subinde & miraculis plurimis subsecutis.

§ 12. *Miracula.*

Etenim Corpore Divi incorrupto ac flexibili diu viventis ad instar permanente , plurimi undique ad B. tumulum acurrentes, imploratâ diversis in necessitatibus ejus ope, adjutos se palam contestati sunt, quos omnes hic referre longum foret. Breviter de his & verè Reverendissimus Dominus Joannes Chrysostomus van der Sterre: Ejus Sanctissimo interventu varij ad vitam mor-

mortui sunt revocati, cæci illuminati, surdi sanati, phrenetici & hydropici curati, Dæmones effugati, & plurima alia miracula patrata.

§ 13. *Supremi in terris honores desiderati.*

Vitâ hac, virtutibus, prodigijsq; cognitis, permota magna Reipublicæ Christianæ capita supremos B. Hermanno honores à Christi in terris vicario decerni summopere exoptârunt. Egit hanc causam strenuè Ferdinandus II. pientissimus Imperator; egit & alter Ferdinandus Colonensis Elector, in cuius Archidiœcesi Beatus vixit & requiescit, formatis curatisque de vita, virtutibus, & miraculis B. Hermanni legitimis instrumentis. Interea consuetis Beatorum honoribus B. Hermannus tum circumquaq; in Patria sua, tum montibus Hannoniæ & Antwerpiæ, tum deniq; in diœcesi Paderbornensi, postquam ejusdem Episcopus & Princeps HERMAN-NUS WERNERUS notabili Reliquiarum parte à Reverendissimo Domino Abate Steinfeldensi Theodoro Firmenich donatus, quam porro, cultum illius promovere desiderans, in Cathedralis suæ Ecclesiæ Sacello S. Elisabethæ suis sumptibus exstructo, & per se

se ipsum 13. Mensis Junij Anno 1689. in honorem quoque hujus Beati, & S. Antonij de Padua, atque antiquorum Patronorum ejusdem: nempe S. Joannis Evangelistæ, Martini Episcopi & S. Elisabethæ viduæ, ac reliquorum Sanctorum Patronorum Ecclesiæ consecrato, cum alijs S. Reliquijs infra specificatis venerandam asservari & exponi voluit, die anniversario consecrationis in Dominicam post octavam corporis Christi ex causis translato.

Reliquiæ, quæ in præfato Sacello honorandæ asservantur, sunt, præter illam de B. Hermanno, pars brachij de S. Ambrosio Episcopo, & S. Pusinna Virgine.

In scabello Altaris de SS. Martyribus, Victorino, Crispino, Wigberto, Hypolito, De SS. Daniele & Magno, Claro: de sanctis Virginibus Odilia, Columbina & Crispula atque ex societate undecim mill. Virg.

In pede crucis de SS. Jacobo & Andrea Apost. S. Marco Evangelista, S. Laurentio Mart. SS. Augustino & Martino Episcopis, de vestimentis S. Joannis Evangelistæ, de S. Heinrico Imp. & de ligno S. Crucis.

In sepulchro Altaris.

De SS. Ignatio Martyr. Lamberto, Blasio, Felici,

Felici, Florentio : de SS. Thebeis : SS. Gregorio & Leone PP. S. Celso & Auctore : de societ. S. Ursulæ, de Calvaria loco, quæ in antiquo olim circa annum 1376. consecrato & Anno 1687. destrueto Altari repertæ & cum Reliquijs de S. Andrea Apost. Marco Evang. S. Laurentio Martyr. S. Ambrosio, Martino & Godehardo Episc. S. Meinolpho & Hermanno Conf. ac de SS. Barbara, Petronella & Pusinna Virg. 13. Junij Anno 1689. in novum repositæ fuerunt, quod pro memoria posteritatis hic subjungere placuit.

In statua S. Antonij de Padua reperiuntur Medaliæ & alia, quæ ejus Reliquias, præser-
tim linguam Sancti attigerunt.

B **Breyes**